

## 第一冊 第一課 來去讀冊

### 〈來去讀冊〉

口白：下早仔七點，豆仔佻小妹丸仔揸冊包，做伙去學校上課。

豆仔：丸仔，你今仔日看起來無仝款喔。

丸仔：阿兄，我是佻位無仝？

豆仔：下早仔早頓食了，想袂到你閣會曉共阿母講再會喔！

丸仔：因為老師有教阮做人愛好禮啊。

豆仔：原來是按呢喔。

丸仔：我欲學我的同學紅圓仔，伊足有禮貌的，老師定定呵咾伊真好禮。

豆仔：啥物，你的同學號做「紅圓仔」有夠好笑的啦。

丸仔：阿兄，你誠過份，無禮貌，我無愛佻你好矣。

口白：丸仔氣怱怱，一直向前行，無欲插阿兄。豆仔對後壁逐過來，共小妹的手牽咧。

豆仔：丸仔，失禮啦，是阿兄毋著，你莫受氣。丸仔，你一下受氣面敢若肉包咧，莫受氣啦。

丸仔：肉包，我上愛食肉包，阿兄你敢是咧呵咾我。

豆仔：是啊，是啊，親像肉包按呢白泡泡，真古錐。

口白：這個時陣，蹻佇附近的阿滿孺仔，手內揸一大堆菜，對個兄妹仔的頭前行過來。

豆仔：阿滿孺，你好。

丸仔：阿滿孺，**勢**早。

阿滿孺：**勢**早喔，恁欲去學校讀冊喔。

豆仔、丸仔：是啊。

豆仔：阿滿孺，你揸甲大包細包，看起來足重的，我共你鬥揸。

丸仔：我嘛欲鬥相共。

阿滿孺：哎唷，我家已揸就好矣啦，恁趕緊去學校。

豆仔：阮會赴去學校的啦，橫直有順路。阿滿孺，你莫客氣啦。

口白：豆仔、丸仔佻阿滿孺個三個人，手內攏揸一寡菜，行無偌久，就行到阿滿

孀的厝矣。

阿滿孀：多謝恁兄妹仔共我鬥相共，阮兜到矣，恁趕緊去讀冊乎。

豆仔、丸仔：阿滿孀，再會。

(豆仔丸仔趕緊欲去學校，丸仔無揸冊包)

豆仔：緊咧，欲遲到矣。

丸仔：阿兄，小等一下。

豆仔：袂使等矣，欲遲到矣。

丸仔：猶毋過，阿兄，我的冊包囵佇阿滿孀個兜呢。

豆仔：呷毋較早講咧。

**【講看覓】**

第一、丸仔是按怎咧受氣，無欲插阿兄？

第二、是按怎豆仔兄妹仔會趕袂赴去學校？